

## 2 Korinti

*Yai zézé ac.*

<sup>1</sup> Anutuac ewa sinj niñac Kristo Yesuac Méliméli ic wañi ni Paulo zéma ninzénj ninzénj munanina Timoteo niri hénarinj Korinti ama areña yandaiguc keczu zéma ic embac téréya Akaia baec séc keczu ionac momacnec kiwi yomi oénécmizic; <sup>2</sup> Neñañ Mañgocnina Anutu zéma Miñ Kewunina Yesu Kristo iorarunec ewa hia zéma luaenénj onac muru he énécmimac.

<sup>3</sup> Miñ Kewunina Yesu Kristo iwac Mañgocya Anutu mepésimiwiñ. Inénj wésé niniñac Mañgoc zéma qeri mebélac qebélac hénia hénia moczonj imuac Anutu kecanzac. <sup>4</sup> Inénj zéra waiya hénia héniaiguc qeri mebélac qebélac wañ nénécmianzac. Wañu neñañ qeri mebélac qebélac Anutuac murunec meyiñ iminéñnec ic embac tosara zéra béra hénia héniaiguc keczu imi bénzénñec qeri mebélac qebélac wañ énécmiwiñ. <sup>5</sup> Imi mia hénia yomuac niñac imuhuc zézua; Kristoac qenzenj manzenénj neñañ kekeciguc sécgéma hezac. Imuhucyanec qeri mebélac qebélaenénj Kristoac murunec hama neñañ muru qesalecgé nénécmizac hénia imuac niñac imuhuc zézua. <sup>6</sup> Nini zéra waiya mihicñima kecanziciguc imi onac qeri mebélac qebélac zéma angénj tiénécmimiawac niñac, wañu nini qeri mebélac qebélac wañ nénécmimiawac kecanziciguc imi acguc onac qeri mebélac qebélac niñac, qeri

mebélac qebélaç iminéñ onac muru ai meyu zéra béra nini mihicñianziñ imuhucya imi ini acguc hia bisiqatén wamma nañselimu. <sup>7</sup> Ini zéra waiya imuaru toroqema kecanzu ésécneç qeri mebélaç qebélaçiguc imuhucyanec wamma kecmu imi ni ninzua imuac niñac niñkinzéñnina onac muru hezac imi mimiñzalia qahac.

<sup>8</sup> Ninzéñ ninzéñ dacmuna hécnina, imi mia hénia yomuhuc niñac, nini Asia baeciguc zéra waiya qahaiguc kecmá éréyiñ imi ini ménda nimmu niñac ménda wanziñ. Nalé imuaru zéra waiya yéwéria sécnina ogicogicya qacninaiguc emma kilanzi nénécmiyu kekecninawac niñkinzéñ imi acguc waiyiñ. <sup>9</sup> Humucac buña zétecgé nénécmimia zéma niñni hélaçuc wañec, néñ haka imuhuc hicñi nénécmiyec imi mia nini neñaoc ménda héiseli amuma humuc ic meqeli énécmianzac Anutu iwac muru sac héiseliwiñ niñac imuhuc hicñi nénécmiyec. <sup>10</sup> Wañu inéñ mia humucac déc igucnec metecgé nénécmiyec. Wañu toroqema metecgé nénécmimac. Wañu muñgucnec metecgé nénécmimac zéma iwac muru niñkinzéñnina haianziñ. <sup>11</sup> Wañu ini acguc toroqe nénécmima zéwelec wamma méra nénécmimu. Imi mia ic embac sasalanén nañgé nénécmima zéwelecgic ewa hiawac ai buña nénécmiyu iminéñ ai meni, nonac niñac wamma Anutu ewa hia ac wammimu.

<sup>12</sup> Nini baeciguc kecmá haihaka wamma onac muru geñ imi ogicogicyawac wamma Anutuac haka méndacma kenhéi hahéi qahac hélacnec wamma baecac niñteçic qinçteçigic qahac, néñ Anutuac ewa hiayaiguc héima namma ai meanziñ

imi nonac ewa qeri solan̄a ninan̄éj héipuc wan̄ nénécmizac. Wan̄u nini imi imuac niñni eeyaguc wan̄anzac. <sup>13</sup> Imi mia hénia yomuhuc niñac, Nini kiwi tosara qahac, néj ini hia olomma hia niñtegicmuac séc imuhucya sac oénécmianziñ. Ini niñasaridacmu zéma niñkewu wan̄ énécmizua. <sup>14</sup> Ini hénianina bakianec sac niñasarianzu imuac séc Miñ Kewunina Yesuac nalé yandaiguc nini onac zézé ségiségigina wanni, ini acguc nonac zézé ségiségiginina wammu.

<sup>15</sup> Ni imi hélacnec ninzén̄géyi. Hénia imuac niñac onac muru walac haman̄ zé niñaren̄géyi. Imuhuc wamba ini hatac éréhécnec mérian̄ginaguc wammu. <sup>16</sup> Héniaiguc keñ inicma Makedonia baeciguc kemmaguc muñguc Makedonia baec imuacnec onac muru liliñgé hawa méli néñu Yuda baeciguc kemman̄ zé niñ aren̄géyi. <sup>17</sup> Ini niñgic ni sic saoc nimma hénia qahac imuhuc wan̄i tanec wanzac me séwinawac siñ méndacma eñ hia hia qahac qahac zéma niñaren̄géyi tanec wanzac me? <sup>18</sup> Anutu imi mén̄zé mén̄zéya qahac, imuac séciguc acna imi acguc hia zémaguc duñja melemma qahac ménda zéman̄. <sup>19</sup> Ni zéma Siliwano\* zéma Timoteo nenen̄ Anutuac nan̄a Yesu Kristo iwac hénia imi sucginaiguc zéau énécmiyiñ. Wan̄u inén̄ hia zéma qahac ménda zéyec. Imuac niñac iwac muru imi hia sac heanzac. <sup>20</sup> Kristoac qeriaiguc imi Anutuac sisipac ac imi moczon̄ yanda hia zézéya. Imuac niñac nini iwac muru héima namma hélacnec zéma Anutu mepésimianziñ. <sup>21</sup> Nini

\* **1:19:** Roma ic enen̄ Silawac Siliwano zéan̄gic.

zéma ini momacnec Kristoac qeriaiguc meseli nénécmima halécnéj météré nénécmiyec imi mia Anutu. <sup>22</sup> Inéj mia enjeya qara asé kiwi ésécnec ewa qerininaiguc oma Uña Téréya nénécmiyec. Wañu Uña Téréya iminéj iwawai kecma hicñi nénécmimac imuac qérawia wanzac.

<sup>23</sup> Ac geriwiguc wañ énécmiwi niñac ni Korinti ama areña yandaiguc ménda hayi. Ac imi hélacnec zézua, Anutunéj qeri uñanawac héipucya wanzac. <sup>24</sup> Ini ninzénj ninzénjiguc nanşselima keczu imuac niñac, nini onac ninzénj ninzénj imuac galenj kecziñ zéma ménda zézua, néj nówécgeña iguc ini ségiségigina mihicñimu niñac, ai momacgina kecziñ.

## 2

<sup>1</sup> Hénia imuac niñac, ni onaru muñguc ewa goronaguc ménda hamañ zé niñselizua. <sup>2</sup> Ewa biric mihicñi énécmizuaiguc, nenaoc ewa biric mihicñi miyi i qahac wañu, ic diminéj ewa hia mihicñi nénzac? <sup>3</sup> Ni kiwina imuhuc oénécmiyi imuac hénia imi onac muru hamañ nalé imuaru ewa hia mihicñi némmuac hezac ionac murunec ewa biric mihicñiwi niñac. Ni imi nuac ewa hianéj momac yanda onac ewa hia wammac zéma niñkumuzua. <sup>4</sup> Ni qerina yéwériyu ewa goro wamma kecba kic masina sasala mayec imuac niñac kiwi imi oénécmiyi. Wañu imi mia yéwéri mihicñi énécmimanj niñac qahac, néj onac siña sasala késa kecza imi niñtegiçmu niñac kiwi imi oénécmiyi.

*Képésic waiwai.*

<sup>5</sup> Mérénénj ménj wanju ewa biric hicnizaciguc imi, netecgéma ogicma zémanj zé ménda wanzua, nénj zékanj zékanj zéwa, inénj imi nuacnec ménda mihicnizac, nénj hénarinj moczonj yanda mihicni énécmiyec tanec wanzac. <sup>6</sup> Sasalanénj ic imuhucyawac zémindiñi qemindiñi wammigic nimba sécgézac. <sup>7</sup> Imuac niñac nénéwécgeñac késpedesiya waimima ewa qeria mebélacgégic. Ewa biric ogicogicyanénj hélanzimiwac niñac. <sup>8</sup> Imuac zéwelec énécmizua, siñ niñmimanec keczu imi mewininigic seligimac. <sup>9</sup> Ni imi ini ackuazéc moczonj niñtohoanzu me qahac imi batucgé nimmanj zéma kiwi imi oénécmiyi. <sup>10</sup> Ic ménjac ménj késpedesira waimigic ni imuhucyanec waimimanj. Késpedesic imuac me imuac waimizuaiguc waiwai hakana imi Kristoac kiwaiguc onac niñac wawaja. <sup>11</sup> Nini Biria minjanawac nininj qambaña imuac qelaña ménda kecziñ imuac niñac Biria minjananénj ikoc waj nénécmiwac niñac imuhuc wanzua.

*Sisipac ac qeliawac ai ichéra.*

<sup>12</sup> Ni Kristoac buña suruc hiabia zéau énécmimanj zé Troa amaiguc kenji nalé imuaru Minj Kewuninanénj niñnéñu ai memeac sangulanj ménj auma nanec. <sup>13</sup> Wanju ni ninzénj ninzénj dacmuna Tito imi ménda mihicniyi imuac niñac nuac ewa qerina imi hia ménda mebélacgéyi, nénj yaizézé ac waj énécmima Makedonia baeciguc kenji.

<sup>14</sup> Wanju Anutu ewa hia ac wammiwiñ, inénj nalé séc Kristoac qeriaiguc meseli nénécmiyu yaréiguc onogicanziñ. Wanju Kristo niñmimia

imuac héméŋa hiabianéŋ neŋaŋ murunec saima baec séc sécgéma kenŋazac. <sup>15</sup> Hénia imi yomuhuc; Nini imi gési énécmimia zéma humucac buŋa ionac sugginaiguc momacnec Anutuac kiwaiguc Kristoac héméŋa wanziŋ. <sup>16</sup> Tuŋ méŋac muru héméŋa iminéŋ humucac buŋa tanec waŋu humuciguc onagicma kemmac, néŋ tuŋ méŋac muru imi héméŋa iminéŋ kekecac buŋa waŋu kekeciguc onagicma kemmac. Ic méréneŋ ai buŋa imuac sécyá wammac? <sup>17</sup> Nini ic tosara ésécnec soukiwa mihicŋiwiŋ zé wainiguc doku haianzu ésécnec Anutuac ackuazécnéŋ diwi qiwiliŋa ménda wanŋanziŋ, néŋ nini imi Anutunéŋ méli nénécmiyu Anutuac kiwaiguc zéma Kristoac qeriaiguc qeri hélacnec zéau énécmianziŋ.

### 3

<sup>1</sup> Nini neŋaoc zénaŋgé amuwiŋ zé muŋguc hénima ac zéziŋ? Nini ic embac tosara ésécnec zénaŋgé ac kiwi onac muru haini hamac me, onac murunec nonac muru kiwi imuhucya haigic hamac niŋ qesi énécmiwiŋac ménda hezac. Ini niŋgic imuac wambiŋac hezac me? <sup>2</sup> Eŋaoc mia kiwinina wanzu. Imi mia ewa qerininaiguc ooya. Ic embac momac yanda oloŋ nimmuac hezac. <sup>3</sup> Ini imi Kristoac kiwi héndéŋ héndéŋa kecgic héŋgaleŋ waŋ énécmima kecziŋ. Waŋu kiwi imi kirifi dokuyanéŋ ménda ooya, néŋ Anutu kekecyaguc iwac Uŋanéŋ ooya. Waŋu Kiwi imi hoc hilaŋaiguc ménda ooyanéŋ ic embac ewa qerininawac hilaŋaiguc ooya.

<sup>4</sup> Niŋkinzénŋina imuhucya Kristoac murunec imi Anutuac kiwaiguc késa kecziŋ. <sup>5</sup> Iwawai

imuac me imuac imi moczon neñan murunec zéma neñaoc sécnina hezac imuhuc ménda zéma nimbin. Néñ sécnina séc he nénécmizac imi Anutu arunec zéma nimbin. <sup>6</sup> Inéñ mia sisipac ac qelia imuac ai ic wambin zé ninkinzénina mihicñi nénécmiyec. Imi mia kiwiyanénec qahac, néñ Uñayanénec, kiwinén nunuhumuanzac néñ Uñanén kekec mihicñi nénécmianzac.

*Sisipac ac qeliawac edamuya.*

<sup>7</sup> Kiwi hoc hilañaguc néndéngéma ooya, humuc mihicñi nénécmimia, imuac ai acguc edamuyaguc hayu Israel qelihéra ienen Moseac kic taneciguc imuac asaha hama héiyu, kecma qahac wawaña, imuac ninac wamma héñsosolima hémmuac séc qahac wanec. <sup>8</sup> Uña téréyawac ai imi séc mén ogicma edamuyaguc ménda wammac me? <sup>9</sup> Képésicginaguc zétecgé nénécmimiawac ai imi edamuyaguc wanzaciguc, solañaguc zénénécmimia imuac ai imi edamuya qesalecgéma mamaya wanzac! <sup>10</sup> Imi hénia yomuhuc ninac imuhuc zézua; Edamuya ogicogicya ménén hayu becnec edamuyaguc kerec imi mia mepé qepésiyaguc ménda wanzac. <sup>11</sup> Kecma qahac wawaña imuhucyanén edamuyaguc wanzaciguc heheseli heheya iminén edamuya ogicma kuneñec wanzac.

<sup>12</sup> Nini imi ninikumu imuhucyaguc kecziñ, imuac ninac, bac yandi yandi qahac, haihaka wañanziñ. <sup>13</sup> Mosenén Israel qelihéra imi iwawai kecma qahac wawaña imuac tetcgia imi ménda héñ sosolimu ninac kereñén eneya kic tanera hoturu amuma kerec. Wañu nini imi imuhuc

ménda wanǝnzin. <sup>14</sup> Nén éréma deguc acguc imi enen ewa seliseli wan énécmimia wan sisipac ac wahala oloj ninǝnzu nalé imuaru kerej imi ménda augic heanzac. Wan kerej imi Kristoac qeriaiguc auyu mazac. <sup>15</sup> Wan érékecma deguc Moseac kiwi oloǝnzu nalé imuac séc kerej imi ewa qerigina hoturu énécmimanec hezac. <sup>16</sup> Wan ménén Min Kewunina Yesuac muru melemma kemmac nalé imuaru mia kerej imi aumimia wammac. <sup>17</sup> Min Kewunina imi Unǝ keczac, imuac ninǝc imuac me imuac Min Kewuninawac Unǝ keczac imuaru mia qutuma kenha wawaǝ hezac. <sup>18</sup> Nenǝ momac yanda imi kic tanecninaiguc kerej qahac Min Kewuninawac edamu imi wikiǝiguc hénzin ésécnec hénǝzin. Hénni Min Kewuac Unǝnén wan nénécmiyu iwac tanecac séc melemma edamuya décy méǝac murunec emma méǝac muru kereǝnzin.

## 4

*Iwawai eeyagucnéj kewuc  
nomuǝ qeriaiguc hezac.*

<sup>1</sup> Imuac ninǝc Anutuac wésé ninǝiguc ai yomi késa keczin imuac nini qeri mama ménda wanzin. <sup>2</sup> Nén Imuac gamu qeǝe haka sasǝǝiaiguc wawaǝ imi waima diwi qiwilin haka hénacya mema Anutuac ackuazéc imi ménda mohosowin, nén ac héla zéau énécmima Anutuac kiwaiguc icya icya ionac ewa qeriginanén kétin kétin wan énécmiyu ninǝsi nénécmimu ninǝc nenǝoc mewinini amuanzin. <sup>3</sup> Nenǝ buǝa suruc hiabia imi kereǝaguc

hezaciguc imi humucac buṇa ionac muru sac imuhuc hezac. <sup>4</sup> Ionac muru imi Anutuac kic tanera Kristoac buṇa suruc hiabia imuac edamuya imi ménda hémmu niṇac baec yomuac baniara ginanéṇ ménda niṇzénḡéanzu ionac ewa qerigina hoturu énécmiyu keczu. <sup>5</sup> Hénia yomuhuc niṇac ac imuhuc zéma mazua, Nini imi neṇaṇ niṇac ménda zéau énécmianziṇ, néṇ Kristo Yesu imi momac yanda neṇaṇ Miṇ Kewu keczac imi zéma Yesuac niṇac wamma nini onac welenṇ qeḡe ic keczinṇ imi zéau énécmianziṇ. <sup>6</sup> Hénia imi yomuhuc; Siṇi tunumaṇ qeriaiguc asac mararaṇnéṇ qetagaliyu zéyec Anutu iminéṇ waṇ nénécmiyu Yesu Kristoac kic taneraiguc Anutuac edamuya niṇmimiawac asac mararaṇ hemizac iminéṇ neṇaṇ ewa qerininaiguc qetagali nénécmianzac.☆

<sup>7</sup> Neṇaṇ imi iwawai eeyaguc imi zéic baecnéṇ memeya séwinina imuac qeriaiguc késa keczinṇ. Imi mia kuc yanda imi Anutuac muru hezac, néṇ neṇaṇ muru ménda hezac imi niṇtegicma kecbinṇ niṇac imuhuc waṇ nénécmiyec. <sup>8</sup> Névécnecc néwécnecc hélanzi nénécmianzu, néṇ hézé hézézaya ménda waṇanziṇ. Kukuderecc mihicṇi nénécmianzu, néṇ kucmama ménda waṇanziṇ. <sup>9</sup> Nunuhéi waṇ nénécmizu, néṇ ménda wai nénécmiyu kecanziṇ. Qenzaṇḡé nénécmianzu, néṇ ménda birima qahac waṇanziṇ. <sup>10</sup> Imuhuc wamma séwininaiguc Yesuac humucyawac buṇa imi bisima kenni Yesuac kekecyawac buṇa acguc séwininaiguc hicṇitegiru hémmu. <sup>11</sup> Imi mia Yesuac kekecnéṇ séwinina houhouyawac

---

☆ 4:6: Hén 1:3

buña imuaru hicñitegiru hémmu niñac neñan kekecninaguc nalé séc Yesuac niñac wamma humucac déciguc nonopocgic kerenzanziñ. <sup>12</sup> Imuac humucnéñ nonac muru ai meyu kekecnéñ onac muru ai mezac. <sup>13</sup> Ni ninzéngeyi imuac zéauyi☆ imuhuc ooyawac hezac ésécneç, nini ninzén ninzénac ewa qeri imuhucya késa kecziñ, imuac niñac nini acguc ninzéngeziñ imuac zéauziñ. <sup>14</sup> Imi mia hénia yomuhuc niñac, Miñ Kewunina Yesu meqelimiyec inéñ mia Yesuguc nini acguc meqeli nénécmiyu iniguc momacneç iwac wésiaiguc nambiñ zéma ninjegicziñ. <sup>15</sup> Imi hélacneç, nini imi Anutuac ewa hiayanéñ sécgé énécmiyu ic embac sasalanéñ ewa hia ac zésaima kenjic Anutuac muru edamuya hemimac niñac haihaka nina moczon yanda imi onac hia niñac wamma meanziñ.

<sup>16</sup> Imuac nini qeri mama ménda wanziñ. Séwi icninanéñ zazagima kenzac, néñ qeri icnina imi naléya naléya qelimanec kenzanzac. <sup>17</sup> Hénia imi yomuhuc; Nalé hotoña dac meanziñ zéra béra efefia iminéñ edamu yéwéria hehe seli heheya imi mihicñi nénécmimac. <sup>18</sup> Héhéña imi hotoña dac hemac, néñ ménda héhéña imi hehe seli hemac, imuac mia nini imi kicninanéñ héhéñawac séc imuac qahac, néñ kicninanéñ ménda héhéña imuac kic hihi wamma kecanziñ.

## 5

*Kurumenj amaiguc tacyac wambiñ.*

---

☆ 4:13: Leg 116:10

<sup>1</sup> Kic hihi wamma kecanziñ imuac hénia imi yomuhuc; Baec séwi halinina imi birima qahac wañu, ama mén Anutunén menénéc mimia, méranén ménda memeya, ou kurumeniguc hehe seli heheya he nénécmizac imi ninziñ. <sup>2</sup> Imi sac qahac hénia mén imi yomuhuc; Nini séwi hali yomuac qeriaiguc yaiwisisiñ wamma kurumenjac séwi ama héinénécmiyu mewiñ zé qerininanén késama mambéc kecziñ. <sup>3</sup> Imuhuc héiwiñiguc, katanec ménda nanni ninicmu. <sup>4</sup> Hali yomuac qeriaiguc kecma bisi qatéñiguc yaiwisisiñ wañanziñ imi hetecgéwiñ niñac qahac néñ imuac qahaiguc mén qeliawac héini houhouyawac buña imi kekecnén qécgémac niñac imuhuc wañanziñ. <sup>5</sup> Wañu Anutunén mia haka imi mihicñi nénécmima Uña Téréya nénécmiyec. Wañu Uña Téréya iminén haka tosara kecma hicñi nénécmimac imuac asé kiwi wañ nénécmizac.

<sup>6</sup> Imuac niñac nini baecac séwi halininaiguc kecanziñ nalé imuaru imi Miñ Kewunina ou keru nini lakec you neñacnec kecanziñ imi ninziñ, néñ kilenj nalé séc niñkinzéninaguc kecanziñ. <sup>7</sup> Imi mia nini kicninanén héhéña imuaru qahac, néñ ninzén ninzéniguc kecanziñ. <sup>8</sup> Nini niñkinzéninaguc, wañu efima séwiac ama hali imi waima ama héra imuaru kemma Miñ Kewuninaguc kecbiñ zé wañanziñ. <sup>9</sup> Imuac nini kecbiñ me waima kembiniñiguc, ségiségi mihicñi miwiñ zéma niñselima kecanziñ. <sup>10</sup> Hénia imi mia yomuhuc, neñañ moczoñ yanda Kristoac zégésigési tatak imuac wésiaiguc wininima

namma neṇac neṇac séwininaiguc kecma wawan  
meme hia me biria waṇiṇ imuac séc méndacma  
bakia mewinac hezac.

*Min Kewuac luae qeqe ai.*

<sup>11</sup> Min Kewuninawac bac yandi yandi imuac  
hénia ninṭegicanziṇ, imuac niṇac ic embac tosara  
zénaṅgé énécmiziṇ. Waṇu nini miṇ séc Anutunéṇ  
niṇyacgé nénécmizac. Waṇu ini acguc ewa kétiṇ  
kétiṇ waṇ énécmiyu niṇyacgé nénécmizu zéma  
niṇkumuzua. <sup>12</sup> Nini muṅguc neṇaoc ménda  
zénaṅgé amuziṇ, néṇ eṇaoc nonac niṇac niṅgiṇ  
zézé ségiségi ginaguc wammu niṇac nalé titiṇa  
mén mihicṇi énécmiziṇ. Waṇu tosara ewa qe-  
riac buṇa niṇac qahac, néṇ séwiac buṇa niṇac  
wamma meyac amuzu imi onac ac bakia hia  
melenṇ énécmimu. <sup>13</sup> Nini ewa soho kecziṇiguc  
imi Anutuac wamma imuhuc kecziṇ. Waṇu nini  
ewanina hia kecziṇiguc imi acguc onac niṇac  
wamma imuhuc kecziṇ. <sup>14</sup> Momacgucnéṇ momac  
yanda neṇaṇ niṇac wamma humuyec. Imuac  
niṇac neṇaṇ moczoṇ humuyiṇ imi ninzéṅgézuā.  
Hénia imuac niṇac Kristoac goi héihéinéṇ hinocgé  
nénécmizac. <sup>15</sup> Waṇu kekecguc kecanziṇ neṇaṇ  
imi muṅguc neṇaṇ niṇac wamma ménda kecbiṇ,  
néṇ neṇaṇ niṇac humuma muṅguc qelima yarec  
iwac niṇac wamma kecbiṇ niṇac inéṇ momac  
yanda neṇaṇ niṇac humuyec.

<sup>16</sup> Imuac degucmuanec ic ménac mén séwiya  
hémma ménda nimbiṇ. Nini Kristo acguc séwiiguc  
hémma niṇi, néṇ muṅguc mén imuhucyanec  
ménda niṇanziṇ. <sup>17</sup> Imuac ic ménṇéṇ mén  
Kristoac qeriaiguc keczu imi ic qelia, wahala

imi keñec, nêñ héngic, qelia hazac. <sup>18</sup> Haka imuhucya imuhucya moczon Anutuac murunec hicñihicñiya. Inêñ Kristoac qeriaiguc ewa momac mihicñi nénécmiyec. Wanju ewa momac mihicñi énécmimiawac ai buña qenénécmiyec. <sup>19</sup> Imi mia Anutunêñ késpedesicnina imi ménda olomma Kristoac qeriaiguc eneyaguc baec ic embac momac yanda ewa momac mihicñi nénécmiyec. Imuhuc wamma ewa momac mihicñi mihicñiyawac ackuazéc imi méraninaiguc hai nénécmiyec. <sup>20</sup> Hénia imuac niñac nini imi Kristoac kua meme ic wamma Anutunêñ neñañ kuanina mema zéwelec énécmizac ésécneç Kristoac nanañiguc namma zéwelec énécmima yomuhuc énézézua, Anutuguc ewa momac wamma kecmu. <sup>21</sup> Anutunêñ neñañ imi Yesuac qeriaiguc Anutuac solañ dindiñawac buña wamma kecbiñ niñac Kristo késpedesic ménj ménda wanec, nêñ késpedesic ic tanec nimmiyec.\*

## 6

<sup>1</sup> Anutuguc momacnec ai meanziñ nenen énézéziz, Anutuac ewa hia imi enj ménda késa kecmu. <sup>2</sup> Imuac Anutunêñ yomuhuc zézac, Nalé nimba hezac\* ☆ Ninzu, deguc imi nalé nimba hezac imi mia wanzac, ninzu, deguc imi anjéñ titiac naléya wanzac! <sup>3</sup> Aininaiguc gocya mihicñiwu niñac nini haihaka qonzon tongé énécmimia ménj ménda hai énécmianziñ. <sup>4</sup> Nêñ

---

\* **5:21:** Me késpedesicac mulu. \* **6:2:** Énépésimañac séc wanzac. imuaru gezac qema niñénécmizua, wanju anjéñ titiac naléiguc méra énécmizua. ☆ **6:2:** Yes 49:8

ainina meanziñ séc Anutuac welen qeque ic kecziñ zéma imuac séc neñaocnec mewiniñi amuma yéwéri hénia hénia eñeña yomuhucyaiguc nañ selianziñ, zéra waiya, yéwéri, waizalañ, <sup>5</sup> nunuhéi, hésa ama, gewelon wañ nénécmimia, ai yanda, gau qeque, yaka niñ humuc, <sup>6</sup> météré amuma kekec, ninñ ai, bisiqatén wamma kekec, qambañtoho, Uñaguc kekec, goi héihéi héra, <sup>7</sup> Ac héra zéma Anutuac kuha qeriaiguc kekec, kekec solañawac sou méra héi kananinaiguc késa kekec, <sup>8</sup> edamuiguc me mema titiiguc, qac buña hia me biria, ic héra kecni ikoc ic zénénécmimia, <sup>9</sup> ic eñomia tanec, néñ ic qac buña ninaguc kecma, ic humumia tanecnén kekecninaguc, haka biriawac bakia meziñ tanecnén ménda humuziñ, <sup>10</sup> ewa biric kekec tanecnén nalé séc ségiségininaguc, maqeqeya tanec, néñ sasala mérian mihicñi énécmianziñ, iwawai mén ménda késa kecziñ tanecnén iwawai moczon yanda he nénécmizac.

<sup>11</sup> Korinti ic embac, kuanina imi efima auauya, imuac ewa qerina imi acguc onac auauyawac hezac. <sup>12</sup> Nonac goi héihéinina imi moucmoucgia qahac néñ iminén onac ewa qeriginaiguc mouc moucgiaawac hezac. <sup>13</sup> Ni nambérac hécna énézéanzua ésécnec énézézua imuac ini acguc eena héima ewa qerigina imi meyandigic moucmoucgia imi qahac wañu.

*Ic ninzén ninzénгина qahac iniguc ewa koron koron ménda wammu.*

<sup>14</sup> Solañ dindiña zéma hénia ac logiloginén dimuhuc séc éréren wammaoc? Asac mararan zéma siñi tunumañnéñ dimuhuc ala

wanjamumaoc? Imuac niŋac ini imi ménda ninzéŋgéanzu iniguc ewa koronkoron ménda wammu. <sup>15</sup> Kristo zéma Beliaru† ieren némaciguc ewa momac wammaoc? Ninzéŋ ninzéŋ icnéŋ ic méné ménda ninzéŋgéanzac i guc némac iwawai amunec qamunec wammaoc? <sup>16</sup> Anutuac ocmuŋ zéma baniara ieren némaciguc niŋni momacguc wammaoc? Anutunéŋ zéyec ésécneŋ neŋaŋ imi Anutu kekecyaguc iwac ocmuŋ kecziŋ. Imuac mia Anutunéŋ yomuhuc zéyec; Ni ionac sugginaiguc keŋha wamma i iniguc momacneŋ kecmaŋ, ni ionac Anutugina wamba ieneŋ nuac ic embachéŋna wammu.✧ <sup>17</sup> Miŋ Kewunéŋ yomuhuc zézac, Imuac ini ionac murunec éréma héŋ héima kecmu. Waŋu iwawai sigiginawac buŋa qeqeya imi késa osi ménda wammu. Imuhuc waŋgic, neŋ héihéré énécmiŋaŋ. <sup>18</sup> Neŋ onac maŋgoc waŋ énécmiwa ini nuac nambérac héŋna wammu. Medac medac wandac wandac miŋinanéŋ imuhuc zézac.✧

## 7

<sup>1</sup> Ala sorochéŋna neŋaŋ imi sisipac ac zéma maziŋ imuhucyawac késa kecziŋ, imuac mia Anutuac bac yandi yandi wamma kecbiŋ. Kecma kekec téréya imi mesolaŋanima séwinina zéma uŋaŋinawac haka biria hénihénia igucneŋ météré amuma kecbiŋ.

*Pauloac zézé ségiségiya.*

---

† **6:15:** Beliaru imi Sacdaŋac qara méné, qac imuac héŋia imi Ikoc miŋina. ✧ **6:16:** Lew 26:12, Yer 32:38, Ezk 37:27 ✧ **6:18:** 2Sa 7:14, 2Sa 7:8

<sup>2</sup> Ini ewa qerigina ménda aṅgəṅ tinénéc-mimu. Nini méṅac méṅ haka biria ménda waṅ énécmiyiṅ. Méṅac méṅ ménda mebirí énécmiyiṅ. Waṅu iwawaigina eṅ ménda onagiriṅ. <sup>3</sup> Ni képésicgina zéhicṇimaṅ zé ac imuhuc ménda zézua. Bec zéyi ésécnec, nonac ewa qerininaiguc kecgic momacnec kecma momacnec humuwiṅ niṅac imuhuc énézézua. <sup>4</sup> Ni niṅkinzəṅgéma énézézua. Ni onac niṅ nimba zézé bipiginaguc waṅu qeri mebélac qebélac hakanéṅ sécgé néṅanzac. Waṅu zéra waiya hénia hénianinaiguc ségiséginéṅ qesalecgé néṅanzac.

<sup>5</sup> Hénia imi yomuhuc; Nini Makedonia baeciguc hayiṅ nalé imuaru nonac séwinina imi tachiahiaru qahac keríṅ, néṅ hénia séra séc zéra waiya mihicṇiyiṅ. Séṅgaṅgeṇiguc tualeficnéṅ, ewa qerininaiguc bac yandi yandinéṅ he nénécmiyec. <sup>6</sup> Néṅ Qeri mama wawaṅa qerinina mebélacgé nénécmianzac Anutu inéṅ mia Tito hayu qerinina mebélac nénécmiyec <sup>7</sup> Tito hayec imi sac qahac néṅ meseli wammigic meme seli onarunec mihicṇiyec imuac suruc wamma ini qerinéṅ késama mambéc kecanzu imi zéma, zésiaccgina zéma, qeri siṅgina nuac hezac imuac suruc momacnec waṅ némma qerina mebélacgé néṅu ségiségi wammanec waṅi. <sup>8</sup> Imi mia hénia yomuhuc niṅac, ni kiwina oénécmima niṅyéwéri mihicṇi énécmiyi imuac nimbiri amuyi. Néṅ kiwi iminéṅ nalé hotoṅa dac sac niṅyéwéri mihicṇi énécmiyec imi niṅasarima deguc imi ménda nimbiri amuzua. <sup>9</sup> Ni deguc ségiségi wanzua imi mia niṅyéwéri mihicṇi énécmiyi imuac niṅac

qahac, nêḡ niṇyêwêri ginanêḡ énépésima ken onoporu ewa hakagina melenḡic hénia imuac niṇac mia. Ini Anutuac ewa siṇiguc niṇyêwêrigic imuac niṇac kiwi nonac murunecnêḡ hénia ménac méniguc haka ménac mén ménda mebirí énécmiyec. <sup>10</sup> Anutuac ewa siṇiguc niṇyêwêri wananzin imi kecma ménda nimbiri amuwîn. Niṇyêwêri imuhucyanêḡ ewa hakanina hainetec mihicṇima anḡêḡ titiiguc nonagicma kenanzac. Wanu baecac niṇyêwêri imuhucyanêḡ humuc mihicṇi nénécmianzac. <sup>11</sup> Héḡic, Anutuac ewa siṇiguc niṇyêwêrima kekec imi yêwêri qeriaiguc eḡaḡ héniaḡina qitiric zéaumu niṇac ewa qeriginaiguc wésé polan dimuhucya, zésolan amuamuya dimuhucya, qerigina kétinḡétin dimuhucya, bac yandi yandi dimuhucya, qerinéḡ késama mambéc kekec dimuhucya, qeri siṇ dimuhucya, zémindiṇi qemindiṇi dimuhucya mihicṇi énécmiyec. <sup>12</sup> Imuac kiwi oénécmiyi imi ic mén képésic wanec me ic mén képésic eḡ wammimia iorac niṇac qahac, nêḡ qeri siṇginanêḡ Anutuac kiwaiguc onac muru hicṇi énécmimac niṇac oénécmiyi. <sup>13</sup> Wanu ai imuacnec nini héibélac qéibélac wan nénécmimia wanzin.

Wanu Titoac qeri uḡanêḡ onac niṇac wamma qeri bénzêḡ mihicṇiyec. Imuac niṇac ewa qerina mebelac gégéya imuac qahaiguc toroqema iwac ségiségi niṇac nini ségiségi wammanec wamma keczin. <sup>14</sup> Ackuazéc énézéyin imi moczon héla wanzac ésécnec Tito ézéma meyac énécmiyi imi acguc ac héla wanzac, imuac niṇ ni onac ac suruc ézéma meyac énécmiyiiguc imuac gamuna

ménda ninzua. <sup>15</sup> Ini moczon bac yandi yandi wamma zénén hirihiri wamma héihéré mima ara nintho wammigic imuac nin qelima ewa qeriyané onac muru moczon kendaczac. <sup>16</sup> Ni solanane ninkinzénge énécmizua imuac ninac ségiségi wanzua.

## 8

### *Haihulac haka.*

<sup>1</sup> Ninzén ninzén dacmuna hécna Anutunén Makedonia hénarín goi héihéiya qeénécmiyec imi ini nimmu ninac wanzua. <sup>2</sup> Zéra waiyawac manam batuc kunen yandaiguc ségiségigina qesalecgé énécmima mayu maqeqe osiqosiyaiguc kilen haihulac wamma halengina kunen yanda alen alen késama haigic. <sup>3</sup> Ni héipuc ac wamma zéau énécmizua, ienen hia wammuac séc halen hai énécmima enan ewa singina méndacma sécgina ogicma hai énécmigic. <sup>4</sup> Ienen imi ic embac téreya tosara welen qeénécmima halen hai énécmimiawac ai imuaru torogewin zé ninénécmiwin ninac hélacnec zéwelec nénécmigic. <sup>5</sup> Kic hihi wanin imuacnec sac qahac né torogema ienen walac enan kekecgina Min Kewuninawac muru haimigic, wanu imuhucyanec Anutuac ewa siniguc nonac muru hai nénécmigic. <sup>6</sup> Titonén bec suginaiguc ai imi héniyec imuac ninac ewa hiawac halen ai imi meyacgéma metecgémac ninac zéanagé mizin. <sup>7</sup> Ini ninzén ninzén zéma ackuazécgina zéma niningina zéma wésé polangina zéma goinina héianzu ai imuhucya moczoniguc séc mén ogicma

wamma meanzu ésécnec ewa hiawac halen haihai aiiguc acguc imuhuc séc ménj ogicma wamma memu.

<sup>8</sup> Ni zéseli énécmima ménda zézua, néj onac singina iminéj hélacnec me qahac imi tosara ionac wésé polanj hakaginaguc haiséséc wamma ningésima keczua. <sup>9</sup> Imi mia hénia yomuhuc ninjac imuhuc zéma mayi; Minj Kewunina Yesu Kristoac ewa hiayawac haka yomi ini ninzu. Inéj eneya maqeqeya néjnec ini sécgina séc wamma kecmu ninjac eneya saménj bipiyaguc kerec, néj onac ninjac maqeqeya wanec. <sup>10</sup> Ai imuac mia niniŋna zéwa ningic iminéj nangé énécmimac. Ini yawuŋ emumuac walac ai imi hénima megic. Wanu imi sac qahac ini imuac muŋguc wammanj zé ewa singina he énécmiyec. <sup>11</sup> Imuac ai imi mema medacmu. Wanu wésé polangina he énécmizac séc, iwawaigina he énécmizac séc méndacma wamma medacmu. <sup>12</sup> Wammuac singina he énécmizaciguc, iwawai he énécmizac séc haigic memeyawac séc wammac, wanu ménda he énécmizac igucnec imi ménda memeya wammac. <sup>13</sup> Imi mia tosara meefi énécmima ini meyéwéri énécmimanj ninjac qahac, néj séc érérénj wanu kecmu ninjac. <sup>14</sup> Onac saménjaginanénj ionac mété qététanjinawac, imuhucyanec ionac saménjaginanénj onac séc mété qététanjinawac haigic kenha wanu, séc érérénjnec hiabia wammac. <sup>15</sup> Imuac mia yomuhuc ooyawac hezac, sasala tocgégic imi enen saménja ginaguc ménda wanjic. Wanu komodia tocgégic imi enen acguc mété qététanjinawac ménda wanjic.

*Tito Korinti ama areŋ yandaiguc mélimiyec.*

16 (16a) Onac niṇac wamma wésé polañ nenamuru henénzac imuhucyanec Anutunén Titoac ewa qeriaiguc momacnec haimiyec. 17 Miyu inén nonac zénangé ac késayec imi sac qahac, nén wésé polañ hemiyecac deguc kunenec ogicma hemiyu eṇeya ewa siṇ méndacma onac muru kemman zé kenzac imuac niṇac (16b) Anutu ewa hia ac wammizua. 18 Ninzén ninzén dacmuna mén i guc momacnec mélini hazac. Waṇu inén mia buṇa suruc hiabia zéau énécmima hénarín tuṇa tuṇa ionac suginaiguc qac buṇayaguc waṇanzac. 19 Imi sac qahac, nini Miṇ Kewuninawac edamuyawac niṇac zéma nonac ewa siṇ héla imi énézéyu hémmu niṇac zéma ewa hiawac halen ai meni ic imi momacnec kenḡha wammac niṇac hénarín tuṇa tuṇa ienen gésimima kumugic. 20 Nini imi halen kunen yanda nonac méraninaiguc haigic galengéanzin ai imuac ménén mén zébiri nénécmiwac nin técnina nimma kecanzin. 21 Hénia imi yomuhuc, nini Miṇ Kewuninawac kiwaiguc sac qahac, nén ic embac ionac kicginaiguc momacnec haka hiabia wambin zé, técnina nimma kecbin zé wanzin. 22 Waṇu iriguc momacnec ninzén ninzén dacmuna mén mélini keṇec. Iwac mia héngésima niṇni, ic imi ai sasala imuac wésé polañaguc kerec. Waṇu deguc imi onac niṇu ewa qeriaiguc niṇkinzén kunen yanda hicṇimiyu, wésé polañ imi ogicma kunen yanda ai imi memañ zé wanzac. 23 Titoac zéwa niṇgic, inén onac welen qeqe ainaiguc mérana zéma ai momacna wanzac, waṇu ninzén

ninzén dacmuna éréhéčna niṇac zéwa, ierenṇ imi hénariniṇ tuṇa tuṇa ionac méliméli ic éréhécgina zéma Kristoac edamuya wanzaoc. <sup>24</sup> Imuac niṇac ini imi hénariniṇ tuṇa tuṇa ionac kicginaiguc eṇaṇ siṇginawac héra zéma zézé bipi ac waṇ énécmiyiṇ imuac hénia imi eṇaṇ haihaka ginaiguc haima ic haréwéc ionac mewinini énécmigic hémmu.

## 9

<sup>1</sup> (2a) Ni onac wésé polanṇ imi ninzua hénia imuac niṇac <sup>(1)</sup> ic embac téréya welenṇ qeénécmimiawac kiwi muṇguc oénécmimanṇ zé nimba hénia qahac wanzac. <sup>2</sup> (2b) Ni onac niṇ wamma Makedonia ic embac énézéma Akaia baeciguc imi yawuṇ emumuac bec zérénṇ qérénṇ wandacgic zéma onac mepési énécmiyiṇ. Waṇu imuhuc énézéwa onac wésé polanṇinanénṇ ic embac héra yanda ewa qerigina meefi énécmiyec. <sup>3</sup> Waṇu mepési énécmima ac zéyi iminénṇ héra qahac ménda wammac, néṇ zéyi ésécnec zérénṇ qérénṇ wandacmu niṇac ic imi méli énécmiyi. <sup>4</sup> Qahac waṇu, Makedonia ic embac ienenṇ niguc momacnec kemma ini zérénṇ qérénṇ ménda wamma kecgic inicmuiguc ini sac qahac, néṇ nini momacnec ninzéngéma kerinṇ imuac mia gamunénṇ qacninaiguc embac niṇac. <sup>5</sup> Imuac ni ninzénṇ ninzénṇ dacmuna ini meefi énécmiwa walac walac onac muru hama ewa hiawac halenṇ becneṇ haiwiṇ zé ac zikima zégic imi nalé ménda ducniyunec zérénṇqérénṇ wandacmu zéma zénaṇgé énécmimu iminénṇ hia zéma niṇi. Imuhuc zérénṇ qérénṇ wamma tocgogic zéhinociguc qahac, néṇ ewa hiawac halenṇ héra wammac.

*Héla sasala mihicjiwiñ zé gocmia nétéréma qesagic.*

<sup>6</sup> Angétima komocdia héihimic wammu imi enej komocdia metocgomu, néj nétéréma sasala héihimic wammu imi enej sasala metocgomuac hezac. <sup>7</sup> Niñgic qeriginaiguc hezac imuac séc méndacma haimu, néj angétitiginaguc me zéhinociguc ménda haimu. Anutunéj ewa hia nimma haianzu ionac siñgina niñanzac. <sup>8</sup> Imi mia nalé séc ai hiabia imuac me imuac sécginaguc wamma nétéréma memu niñac Anutu imi ewa hiawac buña hénia hénia hia qesalecgé énécmimacac kuha hemizac. <sup>9</sup> Ac kiwi yomuhuc hezac; inéj séc qema méndemma ic mageqeya énécmianzac. Wañu iwac solañ dindiñawac haka imi nalé tetcgia qahac hemac.✧ <sup>10</sup> Héi himicanzu ionac muru wariha zéma neneac buña momacnec énécmianzac inéj iwawai mesai énécmima wariha énécmima imuhucyanec onac solañ dindiñawac haka imuac héla momacnec toroqe énécmimac. <sup>11</sup> Ini hénia hénihéniaiguc mesécgé énécmiyu haka hénihéniaiguc sese kunerj yanda hai énécmigic, enañ haihulac haka imuac hélanéj ai meni ic embac ienenj Anutu ewa hia ac ézému. <sup>12</sup> Welenj qeque ai iminéj ic embac téréya tosara iwawai imuac me imuac hocgic mihicji énécmianzac. Wañu imi sac qahac, haka iminéj ewa hia kunerj yanda Anutu qesalecgé mianzac. <sup>13</sup> Welenj qeque ai iminéj héipuc wañ énécmiyu, Kristoac buña suruc hiabia imi hélacnec zéauma niñtoho wamma, Yerusalem hénaoñj zéma ic embac tosara ewa hiawac halenj haihulac yandanec

---

✧ 9:9: Leg 112:9

welenj qeénécmigic, hémma ic embac ienenj Anutu mepésimianzu. <sup>14</sup> Imuac ienenj acguc onac niñac zéwelec ai mema Anutuac ewa hiaya ogicogira qacginaiguc he énécmizac imuac niñac onac niñ wamma kecanzu. <sup>15</sup> Iwac sese imi acninanénj zézéyawac séc qahac, imuac niñac Anutu ewa hia wammizinj.

## 10

*Paulonénj aiya niñac saiwa acya énézéyec.*

<sup>1</sup> Iniguc aňamma kecanzua imuaru memaamuma kecanzua, nénj wai énécmima lakec kecanzua imuaru imi zénénj hirihiri qahac ac énézéanzua Paulo ni nenaoc deguc imi Kristoac memaamuma kekecac haka zéma gum bénzénzénj hakaiguc namma zéwelec wañ énécmizua. <sup>2</sup> Nini séwiac siñiguc namma haihaka wañanzinj zéma nimbiri nénécmianzu imi onac ac selianec énézémanjac hezac. Wañu onacmuru hama imuac séciguc meefima ménda zémanj zé zéwelec énécmizua. <sup>3</sup> Nini séwiiguc kecanzinj imi hélacnec, nénj séwiac nanañiguc yaré ménda qeanzinj. <sup>4</sup> Yaréninacwac tewi zakonj imi séwi igucnec qahac, nénj Anutuac kuhanénj raragina selia quwuc muwura tianzinj. <sup>5</sup> Wañu ac zéenj zémaya imi zéhézéngéma iwawai Anutuac nininj qetalima emma nanzac imi qeni maanzac, wañu Kristo niñtoho wammimu niñac nininjingina hénia hénia imi ziki sipacgé énécmianzinj. <sup>6</sup> Niñ tohotoho hakaginanénj hélaguc wandaru acqege haka tosara zémindinji qemidinji wambinji zé zérénj qérénj wamma keczinj.

<sup>7</sup> Ini imi séwiiguc sac ninicgési wan nénécmianzu. Ic ménénén ejeyaoc Kristoac buña kecanzac imuac niñkinzén gézaciguc ejeya éséc nec nini acguc Kristoac buña kecanziñ imi ewa qerianén munguc nimma niñtegicmac.

<sup>8</sup> Qac buña Miñ Kewuninanén nénécmiyec imi hézénge énécmiwiñ niñac qahac, nén meyac kumu énécmiwiñ niñac nénécmiyec imuac niñac ni imuac komora mén ogicma meyacamuma zémaniguc gamuna ménda nimmañ. <sup>9</sup> Ni kiwi o énécmima memeteric wan énécmimañ zé wanzua éséc nimbu niñac. <sup>10</sup> Ic tosara ienén yomuhuc zéan zu, iwac kiwiya imi yéwéria zéma kuhagucnéñ ejeya hama ninicmaciguc qeka meka wamma ac hiabia ménda zéanzac.

<sup>11</sup> Ic imuhucya imi enén yomuhuc niñtegicmu; Nini imuaru kemma iniguc momacnec kecbiñ nalé imuaru imi iniguc ménda kecma kiwiiguc oma zéziñ éséc nec haihaka imuhucya hélac nec wambiñ.

<sup>12</sup> Nini imi tosara enañ meyacamuma zéan zu iniguc haiséséc wamma niñgési amuwiñac séc qahac, nén ienén enawunec haiséséc wanamuma héngési wanamu an zu imuac ionac nimba niñtegic qin tegicgina ménda he énécmizac. <sup>13</sup> Nini imi sécnina ogicma ménda meyac amuwiñ, nén Anutunén miñ séc méndén nénécmiyec nanañ imuhucgen tima kecbiñ. Imuhuc wamma kec kec zu imuac séc ai mewiñ zé haréyiñ. ☆ <sup>14</sup> Nini imi méréc mérécginawac Kristoac buña suruc hiabia énézéwiñ zé walac walac hayiñ, imuac

ninjac nini onac muru hayin nalé imuaru imi nanañ ninawac séc imi ogicma ménda hayin. <sup>15</sup> Nini imi tosara ionac ai memeiguc héima namma sécnina ogicma ménda meyac amuzin, néñ ninzén ninzénгина yandima kemmac séc sugcinaiguc nonac ai memeac titin a imi nétéréma kunen yanda wammac zéma imuac ninikumuma keczin. <sup>16</sup> Imi mia tosara ionac ai buñaguc namma bec mihicnigic imuaru héima ménda meyac amuwín, néñ onac baecgina hezac imuac andiaiguc ogicma kemma buñ suruc hiabia imi énézéwín zé imuhuc wamma kecanzin. <sup>17</sup> Zézé ségiségi wambin zé Minñinawac qeriaiguc zézé ségiségi wammu.✧ <sup>18</sup> Mén eñeyawac mepési amumac imi héipucyaguc qahac, néñ Minñinanén mepésimimac iminén héipucyaguc wanzac.

## 11

*Paulo zéma Yesuac Méliméli ic ikora.*

<sup>1</sup> Hakana qelana dac imuac ewaginanén nanjé némma ninkeczu zéma ninikumuzua. Ohecgina mezua, bisiqatén wañ néngic! <sup>2</sup> Ni Anutuac qeri siniguc onac ninjac qeri sin ninzua. Ni ini embac serana solana ésécnec Kristoac muru onopocman zé zammaréniguc iwac buñ qeénécmizua. <sup>3</sup> Mokoleñnéñ diwi qiwiliñaguc Ewa imi ikoc wammiyec ésécnec onac niniñ solana zéma niniñ héla Kristoac muru héikumugic heyec imuacnec héñacya mema néñgacma ewa qeriginanén zapi qeqeya wambac ninjac. <sup>4</sup> Imi mia hénia yomuhuc ninjac imuhuc zéma mazua, Ménénén mén hama

---

✧ **10:17:** Yer 9:24

Yesuac hénia zéau énécmiyiñ imi qahac, nér hénia mén zéau énécmizac me Uña megic imi qahac, nér uña mén énécmizac me buña suruc hiabia niñgic imi qahac, nér ménac énécmizaciguc nalé imuaru imi ini gum bénzénzén wamma gezacgina hia haianzu. <sup>5</sup> Yesuac Méliméli ic kuner kuner iniguc haiséséc wamma hémma nimba ewa bacginu ménda kecua. <sup>6</sup> Hélaacnec, ni acna imi hiabianec ménda zéanzua, nér niniña imi imuhuc qahac, héniana imi ic embac momac yanda sugginaiguc hénia héniaiguc mewinini énécmiwa nin-daczu.

<sup>7</sup> Ni enañ meyac énécmima nenaoc memaa-muma Anutuac buña suruc hiabia bon tegic zéau énécmima késpedesna mihicñizua me? <sup>8</sup> Ni welen qeénécmiman zé wamma hénarion tuña tuña tosara ienen méra néngic mema kowu neyi gezan. <sup>9</sup> Ni iniguc kecma iwawai ménac mén osima kerí nalé imuaru ménac mén yéwéri ménda mihicñi miyi. Imi mia ninzén ninzén dacmuna tosara Makedonia igucnec hagic imi enen iwawai ménda henénec imi mema hama néngic. Ni hénia hénia héniaiguc yéwéri ménda mihicñi énécmiman zé galeñ mema kerí, wanu torogema imuhuc wamma kecman. <sup>10</sup> Kristoac ac héla ewa qerinaiguc hezac imuac niñac Akaia baeciguc imuhucyanec mepé qepési acna zéma mazua imi ewa qerinaiguc hezac imi ménén menénqe némmacac séc qahac. <sup>11</sup> Hénia némac niñac imuhuc zézua? Goigina ménda héima imuhuc zézua me? Imuhuc qahac, Anutunén ninzac.

<sup>12</sup> Ic tosia enen niniguc séc érérenéj keczu zéma ninénécmimu ninac mepési amuwin zé nalé titiŋa mihicŋiwin zé waŋanzu, néj ionac nalé titiŋa imi netecgéman ninac ni imi waŋanzua. Waŋu imuac toroqema wammaŋ. <sup>13</sup> Ic imuhucya imi Yesuac Méliméli ic ikora zéma ai ic ikora. Ienen imi Kristo Yesuac Méliméli ic tanec héiyon baiyon wamma kecanzu. <sup>14</sup> Imi mia haka méréra qahac. Biria miŋina acguc edamuya kua meme uŋa tanec héiyon baiyon wamma kecanzac. <sup>15</sup> Imuac ninac Biria miŋinawac ai ichéra imi enen acguc eŋaoc solan dindiŋawac ai ic tanec héiyon baiyon wamma kecanzu. Imi mia haka welicwelicgia qahac. Ienen imi tetecgiaiguc wawaŋ memegina biria imuac bakia séc érérenéj nec késamu.

*Paoloac kekec zérabéraya.*

<sup>16</sup> Ni muŋguc énézézua, ménénén mén nuac nimma ic qelaŋa ménda zéma nimmac. Waŋu imuhuc ninzaciguc, qelaŋa éséc hia ninénéj ni acguc komodia mepési amumaŋ. <sup>17</sup> Ac zézua imi Miŋ Kewuninawac ewa siniguc ménda namma zézua, néj haka qelaŋaiguc namma meefima mepési amuzua. <sup>18</sup> Ic sasala ienen séwiiguc héima namma mepési amuanzu imuac ni acguc mepési amumaŋ. <sup>19</sup> Imi mia hénia yomuhuc nin imuhuc zézua, ini eŋaoc ningic nintegic qindegic ginaguc waŋuguc kilen ic qelaŋa tosara ségiségi wamma ewaginanén dongé énécmianzu. <sup>20</sup> Imuacnec sac qahac, néj ménénén hésa ic éséc énépésizac me, kinecqinecy a ésécnec énépésizac me, iwawaigina onagiczac me, meyac amuzac me, hulun ginaiguc onotozaciguc qeriginanén hia

dongé mianzu. <sup>21</sup> Ni imuhucya me imuhucyawac qeka meka téngén kerin imuac gamuna bisima zéauzua. Nén Méñnéñ iwawai ménac meefima meyac amumaciguc, ni acguc qelana ésécnec meefi amuma hia zéman. <sup>22</sup> Ienen Hebiraio ic? Ni acguc. Ienen Israel ic? Ni acguc. Ienen Abarahamac qelihéra? Ni acguc. <sup>23</sup> Ienen Kristoac ai ic? Qelan ésécnec zézua. Ni onogicma iwac ai ic héra keczua. Ai kunen yanda onogicma meyi, hésa ic hatac sasala onogicma kerí, hihilocnéñ nugic qétéya imi olommanac séc qahac, nalé momacguc momacguc humucac déciguc kerenji. <sup>24</sup> Yuda ic enen hihilocnéñ hatac 5 nugic. Nugic séc, 40 igucnec 1 auma 39 séc nugic. <sup>25</sup> Hatac 3 aribambanéñ nugic, hatac 1 hocnéñ gilima nugic, hatac 3 konduniguc zéic biriyec, wanu sinji kaiwe momacguc kondunnéñ huanéñu kerí. <sup>26</sup> Héná gowogowoiguc haka yomuhucya hicninéñec, doku téfara zérabéra, kowu nene, nena ic embac, ic enia, ama arenja yanda, baec kisia, kondun, wanu dacmuna ikora, imuac qeriguc séc, yéwéri mihicnjiyi. <sup>27</sup> Wanu kucqege ai zéma qenzen manzen, sinji sasala gau qege, yaka nin humuc, doku ninac démérna qanjararan qeqeya, nene qahac kekec, sanjena zéma séwi usu qahac imuac séciguc zéma <sup>28</sup> wanu imuac qahaiguc mén hezac imi naléya naléya hénarín tunja tunja hénhalen wan énécmiwa yéwéria kunen yandanén hélanzi néñanzac. <sup>29</sup> Sucginaiguc ménnéñ qeka meka wanu ni acguc qeka meka ménda wananzua me? Sucginaiguc ménac mén wammigic qonzonton géyu ni acguc ewa biricna

geriwaguc ménda wan néhanzac me?

<sup>30</sup> Kilen meyac amumanjac hezaciguc, iwawai qeka mekana mewininianzac imuac mia meyacman. <sup>31</sup> Min Kewunina Yesuac Mangocya, nalé tetecgia qahac mepé qepési wanmimiawac hezac inéh mia ni ikoc ac ménda zéanzua imi ninzac. <sup>32</sup> Damasiko ama areña yandaiguc ic kewu Areta iwac baec galeña méhnéh ni népésiman zé ichéra énézéyu ama yanda imuaru awima kecgic. <sup>33</sup> Néh alahéna enéh ni nengeh yandaiguc tinémma ama areña yanda imuac demin gouña igucnec hésaiguc tikologic hingacma baec galen iwac méria igucnec néngari.

## 12

### *Paulonéh tilin tiliniguc héhec.*

<sup>1</sup> Ac haréña tanec wanzac, néh kilen meyac amuma zémanjac hezac. Imuac Uñawac haka Min Kewuninanéh nézéyu héni imi zéma ac zéauma nézéyec imuac zéwa ninjic. <sup>2</sup> Ni Kristoac ic mén ninzua. Ic imi Uñanéh wagiru kurumen qétéya <sup>3</sup> imuaru emma mayec. Mama keru yawun 14 bec tecgezac. (Nalé imuaru inéh séwi qeriaiguc kerec me imuac sénğanjeniguc kerec imi ni ménda ninzua, néh Anutunéh ninzac.) <sup>3</sup> Ni ic yomuhucya ninzua, (inéh séwi qeriaiguc kerec me imuac sénğanjeniguc kerec imi ni ménda ninzua, néh Anutunéh ninzac.) <sup>4</sup> I imi baec hafi zepaya qahac imuaru wagiru kemma ac zémacac séc qahac imuhucya ninjec. Ic mén humuma houmacac hezac méhnéh ac imi munguc zémacac nin ménda zémimia. <sup>5</sup> Ni ic imuhucyawac hia meyacmiman,

nén nena imi qeka mekanawac ménda zéma ménjac mén mepési amumanjac séc qahac. <sup>6</sup> Ni ac héla sac zéman, imuac niñac mepési amuman zé wammaniguc imi qelana ménda wamman. Nén ménén niñu haihakana iguc héñec me kuana igucnec niñec imi ogicma ic hiabia zéma niñnémbac niñac zéman zé osizua. <sup>7</sup> Uñawac iwawai hénia hénia meaunéñec imuac nimba eñeña yanda wañanzac. Imuac niñac ni sécna ogicma meyac amuwi niñac séwinaiguc waiya, qara Biria miñinawac kua meme uña hainéñec. Imi mia sécna ogicma ménda meyac amuman niñac yéwéri mihicñi némmañ zé imuhuc hainéñec. <sup>8</sup> Wañu yéwéri imi wainémmac niñac Miñ Kewu zéwelec wammima kecba hatac haréwéc wañec. <sup>9</sup> Wañu ac yomuhuc nézéyec, kucnanén qeka mekagaiguc mesolananianzac imuac niñac ewa hiananén sécgé génzac. Imuac niñ ni Kristoac kuhanén nuaru henémmac niñac ségiségi wamma qeka mekanawac nimba enu Anutu zéhiaru mimañ. <sup>10</sup> Qekameka mihicñianzua séc kucnaguc wañanzua imuac niñ, ni Kristoac wamma qeka mekana zéma mematiti ac zéma ai yanda zéma, nunesi zéma yéwéri mihicñianzua séc ségiségi wañanzua.

*Paulonén ic enia ionac ai ic buña qemimia wañec.*

<sup>11</sup> Ni qelana wanzua, nén ini hinocgé néngic imuhuc wanzua. Eñeñ meyac némmuac hezac. Ni ic enomia, nén Yesuac Méliméli ic eñeña yanda iniguc haiséséc wamma hémba ni ewac bacginu ménda kecua. <sup>12</sup> Ni onac sugcinaiguc gum

bénzénzén kunen yandaiguc sésécac haka méréra zéma haka welic welicgia zéma ai kuhaguc wamma mewa iminéŋ Yesuac méliméli ic héla kecua imuac asé kiwiya waŋ nénzac. <sup>13</sup> Yéwéri ménda mihicŋi énécmiyi képésicna imi sac waima haka tosara ménjac mén niŋac ménda nim-biri némmu, nén welen qeénécmiwa onac muru hénakorŋ tosia ionac séc ménda wawaŋa mén he énécmizac me? <sup>14</sup> Ninzu, onac muru hamaŋ zé zérénqérén wamba deguc hatac haréwéc wanzac, nén yéwéri mén ménda mihicŋi énécmimaŋ. Ni onac iwawaigina niŋac qahac, nén eŋaŋ niŋac wamma zéwelec énécmizua. Nambérac enen nenŋoc maŋŋoc ginawac iwawai hofiiguc haiyic heyu emmacac ménda hezac, nén nenŋoc maŋŋoc eŋaoc nambérac hécginaŋac wamma imuhuc wammuc hezac. <sup>15</sup> Ni mia kekec uŋaginanén hiarumac niŋac ségiségi wamma iwawaina auma imuacnec toroqema kekecna momacnec hia auénécmidacmaŋ. Waŋu siŋgina niŋanzua séc kemma muŋguc yanda kunen yanda waŋu, siŋna niŋgic séc kemma muŋguc yanda komora wammacac hezac me? <sup>16</sup> Ic tosiaŋén nuac yomuhuc zéanzu, ni onac réwéri ménda énécmiyi, nén diwi qiwiliŋ ic keczuawac diwi qiwiliŋ waŋ énécmima énépésiyec. <sup>17</sup> Ni ichécna onaru méli énécmima ionarunec mérac zéwa méra néŋu iwawaigina onagiri me? <sup>18</sup> Waŋu Tito onacmuru kemmac niŋac zémiyi imuhucnec ninzén ninzén munana mén méliwa wagic amuma hayoc, waŋu Titonén hama iwawai mén onagirec me? Ini niŋgic, i zéma ni nekaoc Uŋa téréya imuhucyanec

zéma héná momacguc ménda kecanzic tanec wanzac me?

<sup>19</sup> Ini ninjic éréma deguc nini héikenjzé héihazé wammanec kecziñ tanec wanzac gezan. Imuhuc qahac. Nini Kristoguc kecma Anutuac kiwaiguc énézéziñ. Ala sorochécnina, imi moczon ini nanjé énécmiwiñ zé zéziñ. <sup>20</sup> Ni onac muru haman nalé imuaru, ini hémmañ zé niñi haka imuhucya ménda wamma kecgic inicbi niñac, ini acguc hémbiñ zé ninjic séc ménda wamma kecba némbu niñac, bacna yandizac. Imi sac qahac onac muru tualefic zéma nimbupuc zéma qeri geric zéma méndén amuma kekec zéma zébiri qébiri zéma andé lukuc ac zéma tétéc qeqe zéma kaiziliwen wamma kecbu niñac zénénna hirizac.

<sup>21</sup> Onac murunec tosianén haihaka zapi qeqeya zéma kaisero zéma nezélélén haka imuhucya wamma qerigina ménda melenanzu. Wanu imuhuc wammanec kecgic, onaru hawa Anutunanén memanéñu, ic imuhucya ionac siacma ewa goro wambi niñac bacna yandizac.

## 13

### *Goro ac tetecgia.*

<sup>1</sup> Ni deguc hatac haréwécac onac muru haman. Hama énézéwa héipuc ic éréhéc me haréwécén ac kuagina igucnec nindacma hélawac zéseliwiñ. ☆

<sup>2</sup> Hatac éréhéc hayi nalé imuaru bec goro ac énézéyi ésécnec deguc lakec kecma goro ac walac énézéwa ninjic, muñguc haman imuaru imi becnec képésic wanjic ic ionac zéma ic tosara

---

☆ **13:1:** Hén 19:15

ionac kápésicgina imi ménda wai énécmimanj.  
<sup>3</sup> Kristonén nuac qeriiguc ac haiyu zéanzua imuac hénia hicnintegiru hémbinj zé wananzu. Imuac ninjac imuhuc zézua. Kristo imi onac muru kuc mama ménda wananzac, nén ewa qeriginaiguc kuhaguc aiya meanzac. <sup>4</sup> Hélawac zéni, Kristo imi kuc mama keru ic héngenja wéndaraiguc qegic, nén Anutuac kuciguc yarecac kecanzac. Nini imi imuhucyanec iwac qeriaiguc bélacgéma kecanzinj, nén welenj qeénécmiwinj zé Anutuac kuciguc kecanzinj.

<sup>5</sup> Ini ninzénj ninzénjguc kecanzu me qahac imi ninjasariwinj zé batucgéma ninjési amumu. Yesu Kristonén ewa qeriginaiguc kecanzac imi ménda ninjasarizu me? Ini imi ménda ninjegiczuiguc ini ninzénj ninzénj ic héla qahac. <sup>6</sup> Wanju nini imi ninzénj ninzénj ic ikora qahac, hénia imi ninjegicmu ninjac wanzua. <sup>7</sup> Anutunénj galenggé énécmiyu kápésic ménj ménda wammu ninjac Anutu zéwelecmima kecanzinj. Imi mia ninicgic nini ninzénj ninzénj ic héla kecanzinj tanec wambinj ninjac qahac. Nini imi ninicgic ninzénj ninzénj ic ikora tanec hia wambinj, nén ini imi haka silic solanja wamma kecmu ninjac imuhuc wamma kecanzinj. <sup>8</sup> Nini imuhucyanénj haka ménjac ménj ac héla imi logima wambinjac séc qahac, nén imuacnec sac méndacma wamma kecwinjac hezac imuac mia imuhuc zézua. <sup>9</sup> Hénia ménj imi yomuhuc; Kucnina qahac kecni kucginaguc kecanzu séc ségiségi wamma imuhuc solanjanima kecmu ninjac Anutu zéwelec wammianzinj.  
<sup>10</sup> Minj Kewunénj qac bunja nénec iminénj ménda

hézénggé énécmimaŋ, néŋ meyac énécmimaŋ niŋac néŋec. Imuac niŋac ni onaru hama qac buŋana imuaru héima namma ac geriwiguc ménda waŋ énécmimaŋ zé lakec kecmanec walac goro ac oénécmizua.

*Yaizézé ac tetecgia.*

<sup>11</sup> Dacmuna hécna ac tetecgiawac zéwa geza-cgina haima nimma niŋtohomu, ségiségi wamma kecmu. Imuhuc wamma solananima ewa momac wamma luaeguc kecmu. Goi héihéi zéma luae miŋina Anutunéŋ iniguc kecmac. <sup>12</sup> Kiricne téréyaguc yaizézé ac waŋamumu.\* <sup>13</sup> Ic embac téréya momac yanda eneŋ acguc yaizézé ac waŋ énécmizu.

<sup>14</sup> Miŋ Kewu Yesu Kristoac ewa hia zéma Anutuc goi héihéi zéma Uŋa téréyawac ala kekecnéŋ tuŋ onac muru he énécmimac.†

---

\* **13:12:** Kiwi tosaraiguc ac yomi kemaŋa 11 tetecgiaiguc toroqema ogic heyu kemaŋa 13 zéma 14 imi melemma 12 zéma 13 ogic hezac. † **13:14:** Kemaŋa yomi kiwi tosaraiguc ménda hezac.

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 11 Nov 2022 from source files dated 9 Oct 2020

0403b50f-078d-52e2-a203-056e8a430665